

1543-14/21

OKVIRNI SPORAZUM o nabavci usluga

zaključen između:

Javna ustanova Opća bolnica „Prim. dr. Abdulah Nakaš“,
Sjedište: S.S.Kranjčevićeva broj 12, 71000 Sarajevo,
koju zastupa v.d. direktor bolnice, Prof. dr.sci.med Ismet Gavrankapetanović
Identifikacijski broj: 4200288400001,
(u daljem tekstu: **Naručilac**)

i

JKP GRADSKA GROBLJA d.o.o. Visoko (naziv dobavljača),
Mule Hodžića br.108, 71300 Visoko (sjedište dobavljača),
Kenan Karavdić (osoba ovlaštena za zastupanje dobavljača / potpisivanje okvirnog sporazuma),
4218019840000 (identifikacijski broj dobavljača – za domaće dobavljače, odnosno za inostrane
dobavljače odgovarajući broj za identifikaciju prema registraciji – poreskoj, statusnoj i dr. -
dobavljača u zemlji porijekla / sjedišta)
1406021110000319 (transakcijski račun dobavljača)
Sberbank BH dd (naziv banke dobavljača)
(u daljem tekstu: **Dobavljač**),

PREDMET OKVIRNOG SPORAZUMA

Član 1.

Predmet ovog okvirnog sporazuma, je nabavka usluga – **Usluge odvoza i ukopa patološkog otpada, usluge odvoza i ukopa mrtvorodenih beba**, i to: - izvršenje usluga:

1. **LOT 1 – Usluge odvoza i ukopa patološkog otpada**
2. **LOT 2 – Usluge odvoza i ukopa mrtvorodenih beba**

dalje: usluge, koje će Dobavljač dohavit i Naručilac u skladu s odredbama ovog okvirnog sporazuma i sljedećim dokumentima koji čine sastavni dio ovog okvirnog sporazuma u obliku njegovih priloga i to:

– Ponudom / specifikacijom Dobavljača br. **130-0439/21** od **15.03.2021.godine** – dalje: ponuda Dobavljača - (Prilog 1), (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio okvirnog sporazuma sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente okvirnog sporazuma / nabavke), dostavljenom po konkurentskom zahtjevu broj nabavke **JN-7/21**

CIJENA

Član 2.

Cijena koju će Naručilac isplatiti Dobavljaču za usluge iz člana 1. Okvirnog sporazuma iznosi:

LOT 1

- Cijena bez PDV-a: **13.400,00 KM**;
- Porez na dodanu vrijednost (PDV 17%) = **2.278,00 KM**;
- **UKUPNA VRIJEDNOST / CIJENA sa PDV-om = 15.678,00 KM**
(slovima: **petnaest hiljada šestotina sedamdeset osam i 00/100 KM**).

LOT 2

- Cijena bez PDV-a: **5.194,00 KM**;
- Porez na dodanu vrijednost (PDV 17%) = **882,98 KM**;
- **UKUPNA VRIJEDNOST / CIJENA sa PDV-om = 6.076,98 KM**
(slovima: **šest hiljada sedamdeset šest i 98/100 KM**).

Finansijska sredstva za predmet nabavke obezbijedena su u skladu sa Posebnom odlukom v.d. direktora Bolnice broj 1593-2/21 od 18.02.2021. godine.

USLOVI I NAČIN PLAĆANJA

Član 4.

Plaćanje će se izvršiti u roku **60 dana** od dana zaprimanja računa za izvršene usluge. Plaćanje se obavlja na žiroračun Dobavljača. Naručilac ne prihvata avansno plaćanje i traženje sredstava osiguranja plaćanja. Ukupna plaćanja Dobavljaču bez PDV-a na temelju sklopljenog okvirnog sporazuma ne smiju prelaziti procijenjenu vrijednost nabavke.

Naručioceva obaveza da isplati cijenu podrazumijeva poduzimanje mjera i udovoljavanje formalnostima predviđenim Okvirnim sporazumom ili odgovarajućim zakonima i propisima da bi se omogućilo plaćanje.

Dobavljač je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju Naručioca ni onda kada je fakturu primio, a nije joj prigovorio.

ROK IZVRŠENJA USLUGA

Član 5.

Rok izvršenja usluga ukupno ugovorene i specificirane količine usluga, kao i pripadajućih usluga iz člana 1. ovog okvirnog sporazuma je **sukcesivno vršenje usluga u periodu od (1) jedne godine od dana stupanja Okvirnog sporazuma na snagu**. Pod isporukom se podrazumijevaju sve potrebne radnje koje je Dobavljač dužan obaviti, prema okvirnom sporazumu i prirodi posla, da bi Naručilac mogao primiti izvršene usluge.

Mjesto izvršenja obaveza za LOT 1 je **Mule Hodžića br.108, 71300 Visoko**.

Mjesto izvršenja obaveza za LOT 2 je **Mule Hodžića br.108, 71300 Visoko**.

Naručilac se obavezuje isplatiti cijenu onako kako je predviđeno ovim okvirnim sporazumom. Naručioceva obaveza preuzimanja izvršenja usluge općenito se sastoji u obavljanju svih radnji koje se razumno od njega očekuju da bi omogućio Dobavljaču izvršiti uslugu.

SKLAPANJE UGOVORA NA OSNOVU OKVIRNOG SPORAZUMA

Član 6.

Kada se utvrdi potreba za nabavkom predmetnih usluga sačinjava se specifikacija i spisak usluga sa potrebnim količinama na osnovu koje se izrađuje Ugovor po okvirnom sporazumu za konkretnu nabavku.

Odsjek za javne nabavke sačinjava Ugovor u skladu sa odredbama okvirnog sporazuma, tenderske dokumentacije i ponude, te poziva ovlaštenog predstavnika ponuđača da izvrši potpis ugovora.

Nakon obostranog potpisa ugovora dva primjerka se dostavljaju ponuđaču, a dva se zadržavaju kod ugovornog organa.

U slučaju povrede ugovornih obaveza nastalih potpisivanjem Ugovora na osnovu Okvirnog sporazuma, Naručilac može raskinuti ugovorni odnos pisanim putem ili na drugi dokaziv način.

BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 7.

Dobavljač je, u smislu osiguranja izvršenja obaveza po ovom okvirnom sporazumu, obavezan Kupcu dostaviti sljedeću безусловnu originalnu bankarsku garanciju (prema obrascu utvrđenom od strane Kupca):

- garanciju za uredno izvršenje okvirnog sporazuma / dobro izvršenje posla/ okvirnog sporazuma u iznosu 10% ukupne vrijednosti Okvirnog sporazuma sa uračunatim PDV-om, sa rokom važnosti garancije: rok izvršenja ugovora + 30 dana;

Dobavljač će garanciju iz prethodnog stava dostaviti u roku od 10 dana od dana zaključivanja ovog ugovora / obostranog potpisivanja ovog okvirnog sporazuma.

Garancija za uredno izvršenje ugovora/okvirnog sporazuma dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

UGOVORNA KAZNA, ZATEZNA KAMATA

Član 8.

U slučaju kašnjenja u izvršenju usluga Naručilac će zaračunati i naplatiti Dobavljaču na ime ugovorne kazne iznos od 1% ukupne vrijednosti usluga čije izvršenje kasni za svaki puni dan zakašnjenja počev od prvog dana docnje do maksimalnih 5%, ukupne vrijednosti / cijene Okvirnog sporazuma.

Naručilac ne može zahtijevati ugovornu kaznu ako je primio ispunjenje obaveze, a nije bez odlaganja pismeno saopštio Dobavljaču da zadržava svoje pravo na ugovornu kaznu.

Na zakašnjenja plaćanja Dobavljač će zaračunavati Naručilac zatezne kamate prema primjenjivom / pozitivnom propisu.

VIŠA SILA

Član 9.

Ako slučaj više sile, potpuno ili djelimično spriječi izvršenje obaveza po ovom okvirnom sporazumu, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 7 dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog okvirnog sporazuma, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašuje kao slučajevne više sile.

Za vrijeme trajanja više sile obaveze ugovornih strana po ovom okvirnom sporazumu miruju, ne primjenjuju se odredbe okvirnog sporazuma o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 10 dana, ugovorne strane će se sporazumijeti o daljnoj sudbini Okvirnog sporazuma. Ukoliko se ugovorne strane ne sporazumiju o sudbini okvirnog sporazuma, ugovorna strana kod koje nije nastupila viša sila ima pravo na raskid okvirnog sporazuma pošto o tome pismeno obavijesti drugu ugovornu stranu.

STUPANJE OKVIRNOG SPORAZUMA NA SNAGU

Član 10.

Ovaj okvirni sporazum stupa na snagu danom obostranog potpisivanja od strane ovlaštenih lica ugovornih strana, a zaključuje se na period od **1 (jednu) godinu dana**. Svi rokovi u vezi s ovim okvirnim sporazumom računaju se od dana stupanja okvirnog sporazuma na snagu.

PRIMJENA ZAKONA O OBLIGACIONIM ODNOSIMA

Član 11.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog okvirnog sporazuma, a koji nastanu u vezi i povodom izvršenja ovog okvirnog sporazuma.

RJEŠAVANJE SPOROVA

Član 12.

Sve eventualne sporove i nesporazume koji bi mogli nastati iz ovog okvirnog sporazuma ili povodom ovog okvirnog sporazuma, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mimo rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

OSTALE ODREDBE

Član 13.

Dobavljač nema pravo zapošljavati, u svrhu izvršenja ovog okvirnog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju okvirnog sporazuma, odnosno od početka realizacije okvirnog sporazuma.

Član 14.

Izmjene i dopune ovog okvirnog sporazuma mogu se vršiti samo pismenim putem. Bit će punovažne i obavezujuće ugovorne strane samo one izmjene i dopune koje su sačinili sporazumno u pismenoj formi.

Član 15.

Ovaj Okvirni sporazum je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Pripremio:

Kenan Čengić, BA općeg prava – službenik za javne nabavke

Kontrolisale:

Amira Petrović, BA općeg prava - šef Odsjeka za javne nabavke

Amela Smajić - Džaferagić, BA općeg prava. - šef Odjeljenja za zajedničke poslove

Dobavljač

JKP GRADSKA GROBLJA d.o.o. Visoko

DIREKTOR

Kenan Karavdić

Broj: 100-0788/2021
Visoko, 19.04.2021

Naručilac

JU Opća bolnica

Prim. dr. Abdulah Nakaš

VD. DIREKTOR

Prof. dr. Ismet Gavrankapetanović

Broj: 1583-14/21
Sarajevo, 15.04.2021. godine

